

种树郭橐驼传

柳宗元

郭橐驼不知始何名、病^楼、隆然伏行、有类橐驼者、故乡人号之驼。

驼闻之曰、甚善、名我固当。因舍其名、亦自谓橐驼云。^{楼、伛疾也。隆然、高起貌。橐驼、即骆驼。○以上先将橐驼命名、写作一笑。}

^{名、写作一笑。}其乡曰丰乐乡、在长安西。^{何为书其乡、只为欲写其在长安、长安人争迎也。}驼业种树、凡长安豪家富

人为观游、^{种树行乐。}及卖果者、^{种树谋生。}皆争迎取养。^{去声、○争相迎取驼于家而养之。}视驼所种树、或

迁徙、无不活。^{无不活、双承种与迁。}且硕茂、蚤实以蕃。^{其数大而盛、其实蚤而多。○活外又添写此一句。}他植者、虽窥

伺效慕、莫能如也。^{又反衬一句、伏后文。}有问之、对曰、橐驼^{自谓橐驼。}非能使木寿且孳也。

^{折一笔。}能顺木之天、以致其性焉尔。^{一篇之意、已尽于此。}凡植木之性、^{承其性字。}其本欲舒、其

培欲平、其土欲故、其筑欲密。^{此四欲字本性欲也。}既然已、勿动勿虑、去不复顾。

其莳^侍也若子、其置也若弃。则其天者全、而其性得矣。^{莳、种也。○此段是畅讲无不活三字理。}故

吾不害其长而已、非有能硕茂之也。不抑耗其实而已、非有能蚤而蕃

之也。

耗。损也。○此段又反覆硕茂蚤蕃四字理。○以上只浅浅就植木上说道理、从孟子养气工夫体贴出来。

他植者则不然。

一句提转、上言无心之得、下言有心之失。

根拳而土

易、

拳、曲也。易、更也。

其培之也、若不过焉则不及。苟有能反是者、则又爱之太殷、

忧之太勤、旦视而暮抚、已去而复顾。甚者爪其肤以验其生枯、摇其

本以观其疏密、而木之性日以离矣。虽曰爱之、其实害之。虽曰忧之、

其实仇之。故不我若也、吾又何能为哉。

此段明他植者莫能如一句理。○以上论种树毕。以下入正意、发出议论。

问者曰、

以子之道、移之官理可乎。驼曰、我知种树而已、官理非吾业也。然

吾居乡、见长人者、好烦其令、若甚怜焉、而卒以祸。

总提一句、下就他植者则不然一段摹出。

旦暮

吏来而呼曰、官命促尔耕、勸尔植、督尔获、

饂、蚤饂、

而绪、蚤织而

缕、

饂、绎茧为丝也。缕、布缕也。

字而幼孩、遂而鸡豚、

字、养也。遂、长也。

鸣鼓而聚之、击木而召之。

吾小人辍飧饔以劳_{去声}吏者、且不得暇、又何以蕃吾生而安吾性邪。故

病且怠若是。则与吾业者、其亦有类乎。_{写出俗吏情弊、民间疾苦、读之令人凄然。}问者嘻曰、不亦

善夫。吾问养树得养人术、传其事以为官戒也。_{一篇精神命脉、直注末句结出。语极冷峭。}

前写橐驼种树之法、琐琐述来、涉笔成趣。纯是上圣至理、不得看为山家种树方。末入官理一段、发出绝大议论、以规讽世道。守官者当深体此文。